

Amra Junuzović Kaljić
Zastupnica u Skupštini Kantona Sarajevo
Sarajevo, 17.11.2021. godine

Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti:
Vlada Kantona Sarajevo
Ministarstvo komunalne privrede, infrastrukture,
prostornog uređenja, građenja i zaštite okoliša
KJKP „Park“ d.o.o
Direkcija za puteve Kantona Sarajevo
Profesionalna vatrogasna brigada Kantona Sarajevo

PREDMET: ZASTUPNIČKA INICIJATIVA

Poštovani, na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) upućujem inicijativu:

1. da Vlada Kantona Sarajevo u saradnji sa Ministarstvom komunalne privrede, infrastrukture, prostornog uređenja, građenja i zaštite okoliša, Kantonalnom upravom Civilne zaštite, Direkcijom za puteve Kantona Sarajevo, KJKP „Park“ d.o.o. i Profesionalnom vatrogasnom brigadom Kantona Sarajevo poduzme potrebne aktivnosti kako bi se na lokalitetu Stupske petlje postojeći jarboli / stubovi reparirali, te postavile zastave Bosne i Hercegovine i Kantona Sarajevo.
2. da Direkcija za puteve Kantona Sarajevo obezbijedi potrebna novčana sredstva za inicijalnu reparaciju stubova, provjeru statike, eventualno učvršćivanje, premazivanje antikorozivnim zaštitnim sredstvom, montažu elemenata za kačenje, spuštanje i dizanje zastave, nabavku čeličnih užadi, koturova i kočnica za koturove, te nakon toga predmetne stubove uz saglasnost o preuzimanju na redovno održavanje preda Ministarstvu komunalne privrede, prostornog uređenja, građenja i zaštite okoliša.
3. da Ministarstvo komunalne privrede, prostornog uređenja, građenja i zaštite okoliša obezbijedi sredstva za redovno održavanje do kraja tekuće godine, te isto pripremi i u Budžetu Kantona Sarajevo za 2022. godinu.
4. da Ministarstvo komunalne privrede, prostornog uređenja, građenja i zaštite okoliša u saradnji sa KJKP „Park“ d.o.o. pripremi plan održavanja, pranja i zamjene zastava, redovne provjere statike i periodičnog obnavljanja antikorozivnog premaza, pregled, podmazivanje i reparaciju elemenata za kačenje, podizanje i spuštanje zastava.
5. da Profesionalna vatrogasna brigada Kantona Sarajevo pruži svu potrebnu tehničku pomoć i podršku za realizaciju predmetnih aktivnosti.

6. da se sve navedene aktivnosti realizuju zaključno sa 23.11.2021. godine, kako bi se zastave simbolično podigle na Dan državnosti Bosne i Hercegovine 25.11.2021.godine.

O B R A Z L O Ž E N J E

Nakon rekonstrukcije Stupske petlje 2015. godine, zastave su bile više puta postavljene, ali su u međuvremenu uništene, jer predmetni lokalitet nije nikome dat na redovno održavanje, niti su predviđena sredstva za redovno održavanje. Temeljem Zakona o komunalnoj djelatnosti, te sredstava predviđenih za segment zajedničke komunalne potrošnje, na ovaj način bi trajno bilo riješeno pitanje upravljanja i održavanja predmetnog lokaliteta.

Zastupnica

Amra Junuzović Kaljić